

5. *Amatara kamenabihu y'imbere y'ikinyabiziga akoreshe gusa iyo imiterere y'ikirere nk'igihe cy'ibihu cyangwa icy'imvura nyinshi bitumantawe ubona neza nko muri meteo 100, iyo ikinyabiziga kigenda mu nzira nyabagendwa ifunganye irimo amakoni menshi.*

Ayo matara kamenabihu ashobora gusimbura n'amatara yo kubisikana cyangwa amataray'urugendo.

6. *Amatara ndanga agomba gucanirwa rimwe n'amatara yo kubisikana, n'amatara y'urugendo cyangwa n'amatara kamenabihu.*
7. *Amatara yo gusubira inyuma acanwa gusa igihe cyo gusubira inyuma, nta na rimwe agomba kubangamira abandi bagenzi.*
8. *Amatara ashakisha acanwa gusa igihe ari ngombwa kandi atabangamiye abandi bayobozi.*

III.Kwerekana guhindura icyerekezo cy'umuvuduko.

Ingingo ya 44:

Umuyobozi ushaka guhindukiza ikinyabiziga cyangwa kukiganisha ku ruhande, nko kugikata mu masangano kuva mu muhanda cyangwa kugihagarika ibumoso bw'umuhanda, agomba: kubanza kubigaragaza neza kandi ku buryo buhagije, akiri muri metero 50 nibura, akoresheje itara cyangwa amatara ndanga cyerekezo y'ikinyabiziga cye cyangwa yaba atayafite, akabikoresha ukuboko kwe. Uko kubyerekana kugomba kurangirana n'icyo yashakaga gukora.

Ingingo ya 45:

Umuyobozi ushaka kugabanya umuvuduko w'ikinyabiziga cye agomba kubyerekana. Uko kubyerekana kugomba kugaragazwa n'amatara yo guhagarara, yaba ntayo bikerekanyishwa ukuboko.

Ingingo ya 46:

Ukwerekana guhindura icyerekezo cyangwa umuvuduko ntibibuza umuyobozi gukurikiza ibyo agomba gukora bitewe n'umwanya abandi bagenzi barimo n'umuvuduko bafite.

2.1.16. ICYICIRO CYA XVI: Gukoresha imburira n'imikandara yo kwirinda ibyago

Ingingo ya 47 :

1. Birabujijwe gukoresha izindi mburira atari iziteganyijwe n'iri teka
2. *Gukoresha amahoni bigomba kumara umwanya muto uko bishobotse kose kandi igihe hari impamvu zo kwirinda impanuka cyangwa igihe atari mu nsiro, kugirango umuyobozi uri imbere amenyeshwe ko bagiye kumunyuraho .*
3. *Hagati ya saa kumi n'ebiri za n'ijoro no kurasa kw'izuba, keretse iyo bagiye kuba impanuka, amahoni agomba gusimbuzwa imburira zimurika, hakoreshejwe gucana uzimya vuba vuba amatara magufi cyangwa hasimbuzwa vuba vuba amatara magufi n'amatara maremare .*
4. *Imburira zimurika zemewe zikoreshewa kugirango bamenyeshe umuyobozi ko bagiye kumunyuraho haba mu nsiro cyangwa ahandi hose.*
5. *Birabujijwe gukoresha amahoni cyangwa gusakurisha cyane moteri ahagereye inyamaswa zikurura, izikoreye ibintu cyangwa amatungo.*
6. *Ibivugwa mu gika cya 2n'icya 3 by'iyi ngingo ntibikurikizwa ku byerekeye ibinyabiziga ndakumirwa.*

Ingingo ya 47 bis

Abagenzi bicaye ku ntebe zifite imikandara kimwe n'umuyobozi w'ikinyabiziga bagomba kurumanya neza imikandara yabo.